

Dialuna 29 Januari 2007



DOS MONARCA NOBO

Un Sabanetero y ruman di un
ex Rey a bira e Reynan nobo
di Calypso y Roadmarch

PG. 16



Un anochi cu tur cos tabata scirbi... **Teddy Philips cu “Music” ta bai cu e corona di Roarmarch y Ronwayne Kock cu esun di Calypso**

Diasabra anochi un publico riba di 11 mil hende tabata den Joe Laveist Sportpark pa presencia un anochi hopi grandi di e festival di Calypso y Roadmarch. Un anochi cu despues di e anochinan di pre-final tur cos tabata scirbi den cierto sentido, specialmente den e parti di roadmarch.

Un anochi cu tur esnan cu tabata e bandanan popular of fuerte tabata e enfoke di e festival. Mientras cu e banda cu menos number ta esnan cu a cai den premiacion y a impacta e anochi ey.

Awe nos tin un Monarca cu ya caba ta dirigiendo nos Carnaval 53, sin duda cu e publico tabata for di tempran den e parke, compara cu añanan anterior. Tur cantante a duna nan maximo riba escenario, pero den e publico tabatin comentarionan hopi mixto relacion cu diferente temanan clasificante di e anochi final no mester tabata ey

den mes.

Pero di otro banda tin e factor confianza, esnan cu tabata asina sigui di nan mes no a reflesha esaki riba escenario...

Tin bandanan popular cu nan cantante no a yega e publico y nos ta imagina nos mes cu ni n'e huradonan....

Di simplemente bisa cu esnan cu mester a destaca no a luci ayer-anochi, pero un biaha mas esnan cu a probecha e dianan aki prome cu anochi final pa ensaya y ahusta diferente aspecto di e tema participantenan tabata un factor hopi crucial...

E resultado ta di diadomingo mainta ta como lo siguiente como ganador absoluto den e seccion di Calypso a resulta “Mr. Unique” Ronwayne Kock cu nos a yega di wak den e Festival di Tumba Infantil, Hubenil y Grandi y awo participando di Calypso y Road-

march cu e tema “Why Us” compana p'e banda Passion.

Na 2 lug a resulta un di e participantenan cu tambe a pasa den e festival di Tumba y Calypso Junior ta Big Q “Quincy Hasham” compana su propio banda Master Band.

E di 3 lug a E.K. “Eugene” hunto cu Youth Xtreme cu ta e banda di su propio ruman, a brinda un bon show dilanti den e fila di e lista di hoben cu a participa.

Na 4 lug a Mighty Tattoo “Richard Quandt” compana pa Zeta, mientras e 5 lug a bai pa Mister Culture “Robert Maduro” cu tabata compana pa Blade cu tabata scerpi.

Y den e seccion di Roadmarch e di 5 lug a bai pa Mighty Ninja cu su tema “AO” compana pa e banda Search, e di 4 lug a bai pa Lady K compana pa Musical Time cu su tema “Fly like a butterfly”.

Na di 3 lug a bai pa Mighty Hippy cu e respaldo N.B.O. a bai cu e tema “Click” cu porcierto tabata masha bon comenta....

E ganador maximo di e anochi, mientras cu tur tabata sirbi caba



Esaki ta Teddy Philips “Caiso Teddy” cu a bai cu e corona di roadmarch hunto cu Dushi Band bao direccion di Hilward Croes cu tabatin e areglo y composicion den su man.

despues did u presentacion pasobra Teddy a crece masha hopi mes den e anochi final aki...

E premio grandi a bai pa Caiso Teddy cu porcierto ta ruma di Claudius Philips cu e tema “Music” y compana magistralmente Dushi Band bao direccion di Hilward Croes.

Calypso y Roadmarch su anochi final den Joe Laveist Ballpark a marca un anochi grandi y cu esaki ta keda marca den historia di musica di carnaval...E otro premionan cu a wordo entrega diadomingo mainta a bai pa Olga Antonette, mientras cu e banda cu a tuma menos tempo riba escenario pa arma nan mes a bai cu e premio di mas “Disciplina” Youth Xtreme y e miho banda uniform a resulta Tsunami...



D.i.p.r.: Lady K, Mighty Hippy, Campo, Teddy y Mighty Ninja tru soriente y feliz di ta den e premiacion grandi di roadmarch...

Un anochi cu un publico hopi grandi



Un anochi cu e curso di musica a cumenza cambia pa loke ta Calypso y Roadmarch, riba e lista di participantenan sigur mas di mitar tabata hobennan cu musta nan talento y di mes loke e maestria cu cada composito y areglista tin pa crea nan tema. Riba e combinacion di foto nos ta ilustra cuanto hende tabatin riba e anochi di diasabra cu a caba 3:33 di mardiga y 45 minut despues e resultado a bin dilanti. Pero mientras tabata warda Tsunami y Kevin James a sali salba e show despues cu Oreo a cancela ya cu Claudius no tabata sinti su mes bon. Esnan cu tabata presenta sigur a presencia un anochi diferente unda cu tur cos por a pasa...

